

Guangjsih Minzcuz Bau

ganhhau: CN45-0036 B.2020 Nd.4 Ng.8 liggaeuq gengcej nienz ndwensam cibroek

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3418 期

Dunghlanz Yen Vujcon Cin Yungh Lai Cungj Banh-fap Doicaenh Hag Yungh Song Vah Coi Doxhuz

Geij bi neix daeuj, aen cin hag song vah daengx guek miz daeg-saek(dieggok hengzguh)——Hozciz Si Dunghlanz Yen Vujcon Cin cauhoq hengzguh haiguh hong hwnjguh song vah huzndei, yungh lai cungj banh-fap doicaenh hag yungh song vah coi doxhuz, cingzyauq yienhda.

Doedok song vah doxhuz, vwnzva doxdoeng hwnghat. Giethab yenzan, ndwencieng, “sam nyied sam Boux-cuengh” daengj ngoenzciet bae mbanj yienjheiq, youq lijyouz gingjih yienj-heiq daengj, cujciz haiguh yienjheiq, yienj eu fwen daengj vwnzdij hozdung, youq gwnz banj beigingj hozdung, banjbau gvangqlangh yungh Cuengh Gun song cungj saw, youq hozdung yienhciegz fat senhconz swliu, venj, nem fukbaengz senhconz caeuq mbaw haijbau, yungh song vah (lai cungj vah) bae senhconz gak hangh fuengcim cwngecw sawvah minzcuz dangj caeuq guekgya.

Giethab saedsaeh aeuyungh, hag yungh song vah. Giethab ndaw cin cien moux dieggok dajndaem youzcas, bak moux dieggok dajndaem makit daengj daegsaek canjnieb, ciuq dangdieg vunzlai aeuyungh, mbouj dingh seiz banh gak loh hozdung fwen minz Gun song vah, son hag gohgi ndaem ciengx. Vujcon baicuzsoj, swfzsoj, vwnz-gvangican daengj cungj boiq miz ganbu song vah Cuengh Gun, Yauz Gun cungj rox, vih vunzlai daeuj cazcam, banh gak hangh yezvu daezhawj song vah fugsah.

Son' gyauq Cuengh Gun song vah, hong onjyamq doi baenaj. Vujcon Cin seizneix miz cogaep cunghyo aen ndeu, miz hagseng 876 vunz; cungsime hag-dangz aen ndeu, vancenz siujyoz 2 aen, diemj sonhag 5 aen, miz siujhagseng 1599 vunz, lauxsae Vahcuengh gungh 7 vunz. Ndawde, Gyanghbingz Siujyoz dwg aen dieggok guhyienh sonhag Cuengh Gun song vah swcigih gaep, guh

sonhag Sawcuengh Vahcuengh song loih vunqsik, it daengz roek nienzgaep cungj hwnj dangz Sawcuengh Vah-cuengh, Vujcon Cin cungsime hagdangz it daengz ngeih nienzgaep hix hai dangz Sawcuengh Vahcuengh.

Vatcimh minzcuz yenzsu, swnj-cienz vwnzva maenhndei. Geij bi neix daeuj, Vujcon gag cauhoq 《Mbanj-ranz Gou Cuihvunz Gyaez Haenx》《Dunghlanz Gyaeunde Raiuh》aeu damzraih Vujcon guh gie haenx, aeu go seiz gwzming 《Raeuz Aeu Doxgap》gaijbien baenz go Cuengh Gun song vah 《Gaenriengz Siz Cungsuhgi Coh Daengzcog》. Vujcon Cin lij giethab fwen haeu hagdangz daengj hozdung, gyalai gij ligdoh sonhag conzdungj vwnzva caeuq gij ligdoh hong son vunz, banh gij hozdung ciengjdap cihsiz conzdungj vwnzva maenhndei, swnj-cienz fatyienz conzdungj vwnzva maenhndei minzcuz.

(Moz Liujgvei Cangh Haijyingh)



Sanhgyangh: Gwnz Muengx Cigboq Bang Gai Caz

Ndwen 4 ngoenz 6, Sanh-gyangh Duncuz Swciyen doeng-gvaq gwnz muengx cigboq caeuqfaenh “ciet soucawx cazcin gaiq daihngaih”, youq lai aen bingzdaiz cigboq gai mbawcaz, bang vunz dajndaem caz laisou vut gungz. Ndaw doz dwg geij dabsau langhbaiz caz.

(Vuz Lenyinh/吴练勋)

Mbanjranz Liuz Sanhcej Yizcouh Gih Siuhfei Banggungz Hoenghwdhwd

Geij bi neix daeuj, Hozciz Si Yizcouh Gih baengh gijndei doxgaiq reihnaz miz daegsaek mbanjbya gungz-hoj, daj canjnieb roengz fwngz, haenq-rengz saedhengz “siuhfei banggungz” laebbaenz aen gihci guh gunghawj gai ciengzgeiz onjdingh, doidoengh ranz-gungzhoj, cunhcizdij caeuq giyez caemh ndaej hwnghat.

Dap aen bingzdaiz, mbanjbya bienqbaenz “aen hawciengz nungz-mou”. Doiq Liuz Sanhcej Cin, Fuzlungz Yauzcuz Yang, Sanhcaz Cin daengj mbanjbya gungzhoj yanghcin dieggayae doeklaeng, roenloh mbouj fuengbienh gai doxgaiq reihnaz hoj, Yizcouh Gih sonyinx vunzmbanj laebbaenz aen hozcozse, yinx giyez haeu youq daengj fuengsik laeb aen bingzdaiz siuhfei banggungz, baujgyaq soucomz duh-

daem, hauxyangz, duhhenj, mou, vaiz daengj doxgaiq, dauqungz dajcang le aeu bae gai, ciepsouh bouxhek daezgonq duenq roengzdan caeuq dangciengz caeuqfaenh siuhfei.

Cauhoq vunqsik, “yungh cawx lawh bang” gya' gvangq hawciengz. Cungfaen yungh dangjyenz bouxak daiqdaez, laebbaenz aen hozcozse ciennieb, baengh gijndei gwnz muengx gaicawx caeuq hangzyez hezvei, doeng-gvaq haiguh dinghyienq cawx, senj cawx gonq daengj hozdung, cujciz dungyenz aen giyez, donzdij simndei daengj gij rengz ndawbiengz yungh “yungh cawx lawh bang” daengj hingzsi cawx roxnaez gai doxgaiq dieg gungzhoj; yuqnaez aen cujciz ndaw-biengz, aen giyez simndei bae daengz dieg dajndaem dajciengx, nyinhlingx

gij hanghmoeg “dajndaem dajciengx” vunzlai gungzhoj, dajniemh siuhfei banggungz.

Gungganq cawjdaj, gyagiengz goengnaengz “cauh lwed”. Yizcouh Gih hopheux “cib daih bak fanh” banggungz canjnieb gunghcwnz, haiguh hwnjguh “mbanj ndeu yienh ndeu”, doengzseiz, dajciengj caeuq haeuicoengh aen giyez lingxdaez bae daengz dieg gungzhoj hwnjguh dieggok guh yienzliuh caeuq gyagoeng doxgaiq, yungh “aen giyez lingxdaez + hozcozse + ranzungzhoj” “aen giyez lingxdaez + dieggok guhyienh(dinghdan) + ranzungzhoj” daengj guenjguh vunqsik, saedyienh aen giyez lingxdaez caeuq hozcozse, nungzhoh dox yungzhab, hawj nungzhoh vut gungz baenz miz.

(Hozciz Si Minzcunghvej)

SIUSIK DINJ

● Geij bi neix daeuj, Baksak Si Yougyangh Gih cagaenj seizgei saedhengz youzcas hwnghat canloz, aeu youzcas canjnieb dangguh gijndei canjnieb caeuq gij banh-fap youqgaenj hawj vunzgunnaz laisou baenz miz, doenggvaq haenqrengz dajndaem youzcas, gyavaiq gaijcau ndoeng baenz mak noix, yinxhaeuj caeuq gung-ganq cehfaen ndei, dajciengj gyagoeng youzcas, youzcas canjnieb hwnghat cingzcik yienhda.

(Yenj Liminz)

● Ndwen 4 ngoenz 3, Hozciz Si Ginhcwnzgyangh Gih Saedniemh Siujyoz soundaej Gvangjsih Hozciz Yijhwnz Beizyin Hagdangz Mizhanh Gunghsw h gien-soengq doxgaiq fuengz raq cungjgyaqcienz 4.2 fanh maenz, Hozciz Si Vanmeij Veidungh Ciyez Mizhanh Gunghsw h giensoengq dox-gaiq fuengz raq cungj-gyaqcienz 2.2 fanh maenz, bangrengz aen hagdangz neix dauq haihag dauq hwnjdangz.

(Cinz Yaujlanz)

● Geij bi neix daeuj, Dava Yauzcuz Swciyen youq mwh guh hong vut gungz gungeng, haenqrengz dajciengx gaeq, caemhcai youq bi 2019 ndwen 3 hainduj hwnjguh aen hanghmoeg cungsime vuzliuz cang gyoetyo Dava, cugyamq guhbaenz gij canjnieb vuzliuz comz gaj, yo, baujsien, gyagoeng doxgaiq boiqsoengq youq itheij, bangdoi doxgaiq dajndaem dajciengx okdaeuj haenx ndaej riuzdoeng hwnghat.

(Luz Boh'an)

● Mboengqneix, Cingsih Si Vadung Cin Dangvej, Cwnghuf guh ndei fuengz binghra doengzseiz, cagaenj guhhong seizcin dajndaem, cujciz duiyenz aendoih guhhong vut gungz gungeng (lajmbanj saenqhwngh) youq mbanj, bouxvunz gisuz bae daengz gyaeuj reih gyang naz, son vunzlai guh hong dwk bwnh, lumx namh, fuengzyw nonhah daengj hawj hauxyangz faenmoq, maknongz-goet, baujmaenh bineix dox-gaiq soundaej lai, vunzgunnaz laisou.

(Vangz Anhcungh)